

**BOSNA I HERCEGOVINA  
FEDERACIJA BOSNE I HERCEGOVINE  
VLADA**

**PRIJEDLOG**

**ODLUKA**

**O PRIHVATANJU ZADUŽENJA PO SPORAZUMU O ZAJMU IZMEĐU BOSNE I  
HERCEGOVINE I OPEC FONDA ZA MEĐUNARODNI RAZVOJ (OFID) ZA  
REALIZACIJU PROJEKTA RAZVOJA RURALNOG PODUZETNIŠTVA**

**Sarajevo, juni 2016. godine**

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09 i 44/10) Predstavnički dom Parlamenta Federacije Bosne i Hercegovine na \_\_ sjednici održanoj \_\_\_\_\_ godine i Dom naroda Parlamenta Federacije Bosne i Hercegovine na \_\_ sjednici održanoj \_\_\_\_\_ godine d o n o s i

## **ODLUKU**

### **O PRIHVATANJU ZADUŽENJA PO SPORAZUMU O ZAJMU IZMEĐU BOSNE I HERCEGOVINE I OPEC FONDA ZA MEĐUNARODNI RAZVOJ (OFID) ZA REALIZACIJU PROJEKTA RAZVOJA RURALNOG PODUZETNIŠTVA**

#### **I.**

Prihvata se zaduženje Federacije Bosne i Hercegovine (u daljem tekstu: Federacija), po Sporazumu o zajmu (u daljem tekstu: Sporazum) između Bosne i Hercegovine i OPEC Fonda za međunarodni razvoj (u daljem tekstu: OFID), u iznosu do 5.350.000,00 USD.

#### **II.**

Sredstva Sporazuma iz tačke I. ove Odluke koristit će se za finansiranje Projekta razvoja ruralnog poduzetništva (u daljem tekstu: Projekt).

Primarni cilj Projekta je smanjenje siromaštva na selu kroz povećanje prihoda ciljne grupe i osnaživanje njihove sposobnosti brzog oporavljanja gradeći profitabilna farmska i ne-farmska poduzeća.

#### **III.**

Sredstva Sporazuma iz tačke I. ove Odluke, odobravaju se Federaciji pod sljedećim uvjetima:

- rok otplate (uključen grace period):.....20 godina
- grace period:.....5 godina
- kamatna stopa: .....2,75% godišnje
- dospijea:.....polugodišnja
- datumi plaćanja glavnice i kamata: .....15. april i 15. oktobar svake godine

#### **IV.**

Potvrđuje se da je razmatrana dokumentacija prihvatljiva za Federaciju, a posebno:

- Nacrt Sporazuma o zajmu za Projekt razvoja ruralnog poduzetništva između Bosne i Hercegovine i OFID-a;
- Nacrt Sporazuma o Projektu za Projekt razvoja ruralnog poduzetništva između Federacije BiH i OFID-a

## **V.**

U periodu implementacije Projekta, u budžetu Federacije nije potrebno osigurati dodatna finansijska sredstva za sufinansiranje Projekta.

## **VI.**

Daje se saglasnost za zaključivanje Supsidijarnog sporazuma između Bosne i Hercegovine i Federacije za sredstva iz tačke I. ove Odluke.

Za potpisivanje Supsidijarnog sporazuma ovlašćuje se federalni ministar finansija.

## **VII.**

Za realizaciju ove Odluke i izvještavanje zadužuju se Federalno ministarstvo finansija i Ured za koordinaciju projekata – PCU, formiran pri Federalnom ministarstvu poljoprivrede, vodoprivrede i šumarstva, svako u okviru svoje nadležnosti.

## **VIII.**

Implementacija Sporazuma iz tačke I. ove Odluke, ne zahtijeva donošenje novih ili izmjenu postojećih zakona.

## **IX.**

Ova Odluka stupa na snagu narednog dana od dana objavljivanja u “Službenim novinama Federacije BiH”.

# OBRAZLOŽENJE

## I - PRAVNI OSNOV

Pravni osnov za donošenje ove Odluke sadržan je u članu 40. stav 4. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br: 86/07, 24/09 i 44/10), koji propisuje pitanja vanjskog zaduženja Federacije i procedure za zajmove. Izmjenom Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 44/10) u članu 40. stav 5. predviđeno je da Vlada Federacije Bosne i Hercegovine nakon prihvatanja Nacrta kreditnog sporazuma i utvrđivanja Prijedloga odluke, istu dostavlja Parlamentu Federacije BiH na usvajanje.

## II - RAZLOZI ZA DONOŠENJE

Osnovni razlog za donošenje ove Odluke je zaduženje Federacije Bosne i Hercegovine po osnovu Sporazuma o zajmu kod OPEC Fonda za međunarodni razvoj (OFID) za Projekt razvoja ruralnog poduzetništva. Primarni cilj Projekta je povećati produktivnost i poduzetništvo kroz osnažene poslovne i savjetodavne usluge, povećati pristup održivim finansijskim uslugama, poboljšati pristup tržištima i poboljšati ruralnu infrastrukturu radi boljeg povezivanja s tržištem.

## III - OBRAZLOŽENJE POJEDINIH TAČAKA

**Tačka I.** je nužna kako bi se prihvatilo zaduženje Bosne i Hercegovine kod OPEC Fonda za međunarodni razvoj (OFID).

**Tačkom II.** potvrđuje se namjena utroška sredstava Sporazuma.

**Tačkom III.** precizirani su uslovi Sporazuma.

**Tačkom IV.** potvrđuje se da je dokumentacija parafirana tokom pregovora sa OPEC Fondom za međunarodni razvoj (OFID) prihvatljiva za Federaciju BiH, što je uslov da Bosna i Hercegovina i OPEC Fond za međunarodni razvoj (OFID) pristupe potpisivanju Sporazuma o finansiranju.

**Tačkom V.** se definira da nije potrebno osigurati dodatna sredstva u budžetu Federacije za ovu namjenu.

**Tačkom VI.** daje se saglasnost za potpisivanje Supsidijarnog sporazuma kao i ovlaštenje federalnom ministru finansija da u ime Federacije potpiše isti.

**Tačkom VII.** se za realizaciju ove Odluke zadužuju Federalno ministarstvo finansija i Ured za koordinaciju projekata – PCU, formiran pri Federalnom ministarstvu poljoprivrede, vodoprivrede i šumarstva, svako u okviru svoje nadležnosti.

**Tačkom VIII.** potvrđuje se da za implementaciju Sporazuma o zajmu nije potrebno donijeti nove ili izmijeniti postojeće zakone.

**Tačka IX.** propisuje stupanje na snagu ove Odluke.